



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXVI. Henning Brüssow's Urfehde für die Stadt Königsberg, die ihn in Haft gehalten, vom 15 Mai 1447.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCLXVI. Henning Brüssow's Urfehde für die Stadt Königsberg, die ihn in Haft gehalten,
vom 15. Mai 1447.

Vor alle den, de disen brif syn, horn edder lesen, vat standes ofte wordicheit sy sint, geistlik edder wertlik, bekenne ik hennink brussow, wonastich tho Nigen storgarde, obenbar in craft deses brifes, so alle ik van miner eigen vorsuminghe wegen in benden vnd stocken der stat Koninghesberch gevangen zethen hebbe, dat ik van des wegen vnd allens, ves my de erbarn ratmanne dar suluest in vnd buten eren benden geteghen vnd dar sy my vmme gheyzaghet hebben, orveide gedan vnde gesworen hebbe vor my vnde minen vrunden, geboren vnde vngelboren, van des haluen up de stat Koningesberch nicht tho sakende in thokameden tiden. Dar vmme sechge ik hennink brussow vorgeant dat vri vnde lose in macht desser schrift, dat ik met minen vrunden geboren vnde vngelboren den rat tho koninghesbarghe, ere stat vnde dy eren dar vmme vnde vmme allent, was my in der sulueghen schicht weddervarn is, nicht willen noch scholen veiden ofte anspraken jengerleie wis, met rechthe geistlik vnde wertlik, noch sunder recht, in thokomenden eweighen tiden, noch imant van miner vnd miner vrunde wegghen by louen vnde eren sunder arch. Hir vor, dat it alzo van hennink brussowen vnde van synen frunden geboren vnde vngelboren stede, vaste vnde vnuorferiet schal geholden werden, so loue wy her niclas brussow des vorbenomeden henniges naturlike bruder, perner thu Werbin, kerstegen brokman, tide brokman vnde claues tous, alle wonachfuch tho nienstargarde, vnde seggen den erbarn ratmannen der stat Koningesberch ia vnde stan en datuor met ener rechten samende hant. Ghescheget nicht, dat got afwende, vnde de vorgedachten ratmanne, ere stat ofte de eren dar ouer iennigen schaden nemen edder en gedan worde, welker mate en este den eren de tho quemen, allen den schaden willen wy vorschreuen borgen en gentzliken bonemen samender hant vnde sy dar schadelos dar anne holden, nene hulperede noch geistlikes noch wertlikes rechtes dar in tho tunde, by eren vnde truwen in vasten louen ane alles geseerde. Des tho orekunde vnde grotter bekantnisse, so hebbe ik hennink brussow erienant vor my vnde vor mine geboren vnde vngelboren vrunde myn ingesegel vnde wy borghen alle vorbenomet hebben ein illik vnse ingesegele met willen vnde rechter wilschap vesten laten an dessen brif, den ik her niclaus borner (sic) tho Werbin vorienant met miner eigenen hant aldus soluent hebbe gesehreuen nach wille hennink brussowe, mins bruders, vnde der vorbenomeden burghen vnde desse ingesele dar vor gevangen bynnen koningesbarch, des mandages vor ascensionis domini nostri ihesu christi, na den iarn siner hilgen gebort dusent virhundert in deme fouen vnde vintichsten iare.

Nach dem Originale des Königsberger Stadtarchives No. 223.